

Luhlaka Lwendlelalisu Lwethemu Lesemkhatsini

Ngekhatsi: Fundza ngetinhlelo taHulumende ta-2014-2019



"INingizimu Afrika seyilive lelincono kakhulu umuntfu langahlala kulo kunaloku belingiko nga-1994 kantsi netimphilo tetigidzi tebantfu bakitsi setincono.

"Nanobe kunjalo, njengobe kuveta Luhlelo Lwekutufukisa Lwavelonke (i-NDP) kanye neLubuyeketo LwaMengameli Lweminyaka Lengemashumi Lamabili, tinsayeya letintsatfu tebuphuya, kungalingani kanye nekungasebenti tichubeke njalo nekuba nemtselela etimphilweni tebantfu labanyenti.

"Njengobe singena esigabeni sesibili sengucuko yetfu kusukela ngesikhatsi selubandlululo kuya emmangweni wavelonke wentsandvo yelinyenti, kumele silibangise engucukweni yetenhlalo nemnotfo kute sikwati kuncoba letinsayeya letintsatfu.

"Ingucuko ngete yatitela yona ngekwayo ngaphandle kwekungenelela lokuvakalako."

Inkhulomo Yebunjalo Belive Leyetfulwa nguMengameli Jacob Zuma, mhlaka-17 Inhlaba 2014.

Sisonke sichubekisela iNingizimu Afrika embili



REPUBLIC OF SOUTH AFRICA



Luhlaka Lwendlealisu Lwethemu Lesemkhatsini (i-MTSF): Iwanga-2014 – 2019

Kucinisa intsandvo yetfu yelinyenti

Ngamhlaka-7 Ingci 2014, hulumende wetfula i-MTSF yanga-2014 – 2019. Lolu luhlelo Iwahulumende Iwekugucula timphilo tibe ncono luhindze lugucule ummango wetfu kanye nemnotfo ngekunonopha lokwenga loku bekungiko kusukela nga-1994.

i-MTSF ikhombisa kutfunya lokwentiwe bavoti, ngekugcizelela ekwetfulweni kwe-NDP.

i-MTSF ibeka tinhlelo tekwenta hulumende latatenta kanye nemigomo lokumele ifezeke. Iphindze inike luhlaka Iwaletinye tinhlelo tahulumende tavelonkhe, tetifundza netasemakhaya.

Loluhlaka luveta kutsi hulumende uhlala kanjani kwenta umnotfo waseNingizimu Afrika ukhone kumelana nemchudzelwano, usungule ematfuba emisebenti lenesitfunti uphindze utfutfukise kusisa kwalapha ekhaya kanye nekwemave emhlaba.

Lena yi-MTSF yekucala letawulandzela kuvunywa kwe-NDP ngeNyoni nga-2012.

Loluhlelo Iwanga-2014 – 2019 luhlelo Iweminyaka lesihlanu Iwekwakhela etukwekufezekisa Umbononchanti we-NDP wanga-2030.

Ngemavi lakhulunye nguMengameli Jacob Zuma:



"Loluhlelo luvunywe njengeluhlelo Iwavelonkhe Iwalo lonkhe lelive. Luhlelo Iwefu lesitalulandzela kuleminyaka lenge-20 letako. Wonkhe umsebenti lesiwentako kuhulumende nyalo sewuyincenye ye-NDP lephelele, kufaka ekhatsi tinhlelo tekusebenta, kungaba nguleto tetenhlaho, tetemnotfo nobe tetembusave."

i-MTSF iyindlela yekutsi hulumende acacise kahle ngetinchubomgommo kanye netinhlelo takhe aphindze acinisekise kutsi kunekutselelana lokuhle emkhatsini wetinchubomgommo letehlukene. Loluhlaka luhindze Iwente hulumende akwati kucinisekisa kutsi unemcombelelo lodzingekako kute kufezekiswe letinhlelo. Tivumelwano tekusebenta emkhatsini kwaMengameli kanye neNdvuna ngayinye titawesekelwa etukwekwenta, tikhomba kanye nemigomo lobekwe kule-MTSF.

Nge-NDP njengemgogodla wakhe weluhlelo Iwekusebenta (i-PoA), hulumende utawunonophisa ingucuko kanye nenchubekelembili kulelive ngeLuhlelo Lolusha Lwekukhuliswa Kwemntofi (i-NGP), Luhlelo Lwavelonkhe Lwesakhiwonchanti kanye neLuhlelo Lwekusebenta Lwenchubomgommo Yetetimboni (i-IPAP), lolugcile ekutfutfukiseni kusisa kanye nekuchudzelana emikhakheni lehamba embili kanye nasetimbonini.

i-PoA lechazwe kulencwajana yesekelwe etukwemigomo ye-MTSF yeminyaka lesihlanu letako.



Lesihicilelo seLuhlelo Lwekusebenta, lesichaza tinhlelo tahulumende teminyaka lesihlanu letako sesekelewe etukwe-MTSF yanga-2014 – 2019.

Kute utfole lolunye Iwati mayelana netinhlelo kanye nemisebenti yahulumende, vakashela ku: www.gov.za nobe utfumele i-imeyili ku: information@doc.gov.za

Kute ufinyelele kulolunye Iwati mayelana ne-PoA, vakashela iwebhusayithi yeLitiko Lekuhlela, Kucaphela Nekulinganisa Kusebenta: www.poa.gov.za

Ishicilelwe Litiko Letekuchumana (i-DoC). Tshedimosetso House, 1035 Cnr Frances Baard and Festival Street, Hatfield, Pretoria. Lucingo: 012 473 0000.

KUTFUTFUKISWA KWETEMNOTFO KANYE NEKUBAKHONA KWEMISEBENTI

Tingucuko tetemnotfo letivakalako, kukhula kwemnotfo lokunonophako kanye nekuvulwa kwemisebenti

Luhlelo Iwahulumende Iwengucuko yetemnotfo levakalako lumayelana nekufola intfutfuko lesimeme, kusisa lokusetulu, imisebenti leminyenti, kuncipha kwekungalingani kanye nemnotfo longabandlululi ngekwelibala lokusheshako.

Kuleminyaka lesihanlu letako, imigomo yahulumende lesembili ifaka ekhatsi:

- kwenyusa Samba Semkhicito Wasekhaya (i-GDP) kusukela ku-2,5% nga-2012 kuya ku-5% nga-2019
- kwenyusa lizinga lekusisa kuya kulange-25% e-GDP nga-2019
- kwenyusa imali lengeniswa makhaya laphuyile lange-60% kusukela ku-5,6% nga-2011/12 kuya kula-10% nga-2019
- kunciphisa lizinga lekungasebenti kusukela kulange-25% kukota yekucala yanga-2013 kuya kula-14% nga-2020.

Kwakha sakhiwonchanti

Hulumende utawucinisekisa kutsi kunekekphakela kwagezi lokwenele kute kutfutfukiswe umnotfo kphakela kwakha kubukanwe naletinye titsikameto tesakhiwonchanti letitsikameta intfutfuko ngekusebentisa Ikhomishini Yekucondziswa Kwasakhiwonchanti Yelihhovisi LaMengameli.

Lokuhamba embili kphakela kwagezi. Emandla agezi losuka esikhungweni lesisha sagezi lophehlwa ngemalahle iMedupi atakwenta ncono kphakela kwagezi nga-2015, kantsi nekuba khona kwagezi kwasikhatsi lesidze kutawuchubeka kube yindlealisu lekugcizelelwu kuyo.

Hulumende utawulandzela emandla agezi lahlanganisile lafaka ekhatsi emalahle, inozi, igesi lephuma ematjeni ngaphansi kwemhlaba (isheligesi), woyela negesi levela emaveni angephandle kanye nalokuvuselelekako, kubhekkelwa temvelo, tetimali, tenhlalo kanye nalokunye.



Kunonophisa kubukwa kwaleminye imitombo yagezi kushelgesi kanye nasegesini levela elwandle kutakuba yintfo lesembili, ekuphakelweni kwagezi nalokutawuphindze kube yindlela yekukhulisa umnotfo jikelele.

Kwenyusa litsema kubasisi

Hulumende utawuchumana nabetemabhizinisi kute avisise kahle kutsi yini ledzingekako kute umkhakha wangasese utokwati kusisa; kucinisekisa kutsi tinhlelo lokuvunyelenwe ngato tiyefulwa; kucinisa litsema kubasisi, kanye nekwakha kwetsembana emkhatsini wetemabhizinisi kanye nahulumente. Hulumende utawuphindze agcugcutele bemabhizinisi kutsi bente inchubekelembili lenonophako kutekulingana emsebentini, kutfufukiswa kwemakhono kanye neKuhlonyiswa Lokubanti Kwalabamnyama Kutemnotfo (i-BBBEE).

Kucashwa kwelusha kanye nabomake

Hulumende utawugcugcutela bemabhizinisi kutsi basungule imisebenti kanye nemafuba etemabhizinisi alabasha nabomake, nekutsi basebentise luhlelo Iwekwehliselwa intsela ngena yekucasha lasha emsebentini. Luhlelo Iwekwehliselwa intsela ngena yekucasha lasha emkhatsini wahulumende kanye nebacashi ngekutsi kwehliswe imali yentsela emalini lengenako lekhokhelwa sisebenti ngasinye lesicashiwe lesikulungele kuba ngephansi kwaloluhlelo.

Sivumelwano Sekucasha Lusha, lesasayinwa eSoweto, dvutane naseJozi mhlaka-18 Mabasa 2013 nguhulumende, tinhlangano tetisebenti, bemabhizinisi ummango kanye netinhlangano telusha, sikhutsata kuvulwa kwemafuba emisebenti ngekubambisana kubantfu labasha baseNingizimu Afrika.



"Hulumende utawuchubeka nemiklamo lehlukahlukene yesakhiwonchanti letawugucula timo tekuphila tebantfu bakitsi naletawufukula kukhula kwemnotfo." – Inkhulumo Yebunjalo Belive Ieyefulwa nguMengameli Jacob Zuma, mhlaka-17 Inhlaba 2014.

Kusisa emkhakheni wetekutfutsa

Kusisa kwahulumende kutekutfutsa kutawuvula ematfuba ekukhula labanti, ngetinhelo tekutfutsa bagibeli basetindzaweni tasemadolobheni letentiwi ncono kanye nekwelula kakhulu emandla eTransnet ekutfwala imphahla ngaloliwe.



Utsi bewati nje?

- I-Ejensi Yetitimela Letitfutsa Bantfu yaseNingizimu Afrika kulindzeleke kutsi ise bentise tigidzidzi leti-R51 kuleminyaka lelismuni letako ekutsengeni titimela leti-600 letisizingeni le lisetulu. Kutakwakhwa titimela leti-580 eNingizimu Afrika embo nini lensha lese-Dunnotar, ngaphandle-nje kwase-Nigel Ekurhuleni, ngelinali lesigidzidzi sinye semarandi. Lemboni lebukhu lulobunge-600 000 m² ihlelewwe kufaka ekhatsi sikhungo sekukhicit, sekucecesha kanye nendzawo yekusebentela.

Lomklamo ulindzeleke kutsi uvule imisebenti lecondzile leti-8 088, leyicenyemisebenti lengetulu kweti-33 000 ngco kuleminyaka lelismuni letako, kufezekiseke lizinga lasekhaya lelingetulu kwalange-65%.

- I-Transnet itawusebentisa tigidzidzi leti-R107 ekwenteni ncono emmandla ayo kanye nasekusebentiseni kahle sakhiwonchanti sayo. Kuhlongotwa kutsi imisebenti lesekewa yi-Transnet itawenya kusukela eti-368 000 nga-2011/12 kuya eti-570 000 nga-2018/19.

Kwelula sakhiwonchanti selwati netekuchumana

Hulumende utawelula, ente sabusha aphindze enyuse kungabiti kakhulu kanye nekufinyeleleka kwasakhiwonchanti selwati netekuchumana kanye netinhelo tetekuchumana nge-elektronikihi. Loku kufaka ekhatsi indlela yekuchumana lebanti kanye nekusakata ngedijithali. Umsebenti wato tonkhe tikhungo telwati lwethekhinoloji letingeephansi kwahulumende titakwentiwa kutsi tihambisane naletinhlosu.

Kubukana nekungevani emsebentini

Hulumende utawusebentiana netemabhizinisi kanye netetisebenti letihlelekile ekusimamiseni kusebentisana emsebentini ngekutsi kulungiswe timbangela letingumsusa wekungevani etimayini kanye nakuletinye tindzawo temsebenti. Hulumende ukholwa kutsi loku kumele kwentiwe ngekwenta ncono timo tekusebenta netekuhlalatetisebenti, kuphindze kwentiwe ncono budlelwane emsebentini.

Luhlelo Lwekusebenta Lwenchubomgomoyetetimboni (i-IPAP)

Nge-IPAP, umkhankhaso wekutsenga imphahla yalapha ekhaya kanye naletinye tinhlelo, hulumende utakwenta ncono kusebenta kwemikhakha lenelikhono lekuvula ematfuba emsebenti ledzingeka kakhulu lenjenyeasetimayini,

kutekulumia kanye nasetimbonini tekwakha aphindze akhutsate kuzuza kulekumbiwako.

Luhlelo Lwekutfutfukisa Kwemnotfo (i-NGP) lolusha

Hulumende utakwetfula i-NGP kute kukhuliswe umkhakha wetemnotfo lonelikhono lekwakha imisebenti leminyenti, lenjengemnotfo lobhekelele imvelo, kutfunyelwa kwemphahla kanye netinhelo etimakethe tase-Afrika, isheligesi, woyela lovela elwandle kanye negesi. I-NGP inemgomo wemisebenti lemisha letigidzi letishlanu kusukela nga-2010 kuya ku-2020.

Hulumende utawefula ngemandla inchubomgomoyakhe lemayelana neBBBEE, kute bahlali baseNingizimu Afrika lebebakhishelwe ngaphandle ngaphambilini ekubeniyencye yetemnotfo bakwati kubamba lichaza ngalokuyimphumelelo kuleminyaka letako. Litiko Lekututfukisa Kwemabhizinisi Lamancane lihlose etingucukweni letifanele kute kufolakale linani lelenyukile lemabhizinisi lamancane nalasemkhatsini lelitawusita ekunonophiseni kuvulwa kwemisebenti.

Hulumende utawuphindze acinise kwesekela kwakhe tinhlangano ikakkulukati emsebentini wekutsengisa nekwefulwa kwemkhicito, kute bakhicit labancane bakwati kungena eluchungechungeni lwelebhizinisi basebentise litfuba leminotfo lesezingeni labo.

Kututfukisa i-BBBEE kanye nekutsenga imphahla yasekhaya

Hulumende utawukhutsata i-BBBEE kanye nekutsengwa kwemphahla yasekhaya, asebentele ekufoleni lokuncono ngemali latsenge ngayo kanye nekunciphisa inkohlakalo. Hulumende uhlose kutsenga lokungenani kwalange-75% emphahla netinhlelo takhe kubakhici baseNingizimu Afrika.

Tichibiyelo letihlongotwako eMtsetfweni Wekuchudzelana (UMtsetfo 89 wanga-1998) tihlose kwenta loku:

- kuvimbela kulawulwa kwemanani tinkampani letinkhulu emikhicitweni lefana nensimbi kanye nemakhemikhali lasindzako.
- kwenta tinkampani tekukhicitia tala ekhaya tikkwati kumelana nemchudzelwano.
- Kwesekela kusisa kusakhiwonchanti.
- Kunciphisa tindleko tetinhlelo tetimali kanye nekusisa kutetimali.

Imiklamo yekuvulwa kwemisebenti

Hulumende utakwenyusa lizinga leLuhlelo Lolweluliwe Lwemisebenti yeSive (i-EPWP), ikakhulukati Luhlelo Lwemisebenti Yemmango (i-CWP), kute kunikwe bantfu labanyenti litfuba lekusebenta; kunika lucecesho kanye nelwati lwemsebenti kanye nekwenyusa kubambisana kwemalunga emmango.

I-EPWP itawuvula ematfuba emisebenti letigidzi letisitfupa nga-2019 kantsi i-CWP itakwelulwa kute ibe nendzawo yinye kumasipala ngamunye ekupheleni kwa-2014 iphindze isungule ematfuba emisebenti lesigdzi sinye ekupheleni kwa-2019.

Kucinisekisa luhlelochumano Iwesakhiwonchanti lolusebenta kahle, loluchuzelanako nalonusabela kutemnotfo, hulumende uhlose kwenta loku:

- kwenyusa lizinga lekuphehlwa kwesilulu semandla agezi kusukela kuliphesenti linye lesikuwo njenganyalo kuya kula-19% nga-2019
- kwenyusa imifombo yemanti letfulwa ngebunyenti ngemaphesenti lasihlanu nakucatsaniswa nanga-2014
- kwenyusa kungena kutekuchumana ngetinhlelo letehlukene kusukela

kulange-33,7% nga-2013 kuya kulange-80% nga-2019

- kwenyusa sisindvo semtfwalo lohanjiswa ngaloliwe kusukela kumathani lange-207 (i-Mt) nga-2013 kuya kumathani lange-330 (i-Mt) nga-2019
- kwenta ncono kusebenta emachwebeni lasedvute nelulwandle kanye nasetikhmulweni letingekhatsi nelive kusukela enanini lelinge-28 kuya kulelinge-35 leletfulwa ngumshini lotfwala imphahla lesindzako ngeli-awa nga-2019.



Kwelula kwesekelwa ngetimali ngenhoso yekukhulisa umnotfo

Libhange Lentfufuko Le-Afrika IeseNingizimu, Sikhungo Sekututfukisa Timboni, Libhange Lemhlaba, Sikhungo Savelonke Lesesekela Ngetimali Tekwakha Tindlu kanye naletinye tikhungo tekututfukisa kutetimali titawunika kwesekelwa ngetimali kutetimboni, tekulima kanye nasekuiseni kusakhiwonchanti.

Emabhangue atawukhutsatwa kunikelangaletinye tinhlelo tetimali kubantfu labanyenti kute basitakale ekwenyuseni imphahla labanayo. Hulumende futsi ufunu kubona emabhangue asita kucalwa kwemabhizinisi lamancane akhule, aphindze asite ngetimali imikhakha lekhona kanye nalemisha.

Kutakwetfulwa tindlela tekubukana netinchubo tekuboleka letingasitinhle kanye nekubitaka kakhulu kwentindleko tekuboleka lokwenteka kuleminye imikhakha yetetimali, kuhindze kwentiwe lomkhakha wetetimali uben gulohlanganisako nalofinyelelekako.

Hulumende utawucinisa umtsetfo wetikhungo tetimali kute emakhasimende aphaftwe ngalokufanako nekutsi timali letilondvolotiwe tiphephe. I-Postbank litawudlala indzima lenkhulu etinhlelweni tekubhangha.

Kucedza umtfwalo wemitsetfo lelawulako lengadzingeki

Lihhovisi lebuMengameli litawuhlolisia timiso nemitsetfo lemisha nalevele ikhona, kute kuhlolwe kuhambisana kwayo ne-NDP.

Hulumende utawubuye acondzise aphindze ente ncono kusebenta kahle kwetindlelanchubo letilawulako, etindzaweni letinjengemalayisensi ekwakha, kuhlola kwemtselela kutemvelo, kubhaliswa kwetinkampani, kulandzelwa kwemtsetfo wentsela, timvume tekusebenta kumakhono laswelekile, emalayisensi etimayini, emalayisensi emanti kanye nekufinyelela etinhlelweni tetakhiwonchanti tamaspala.

KWENTA NCONO LIZINGA KANYE NEKUFINYELELA EMFUNDVWENI NEKUCECESHA

Tisebenti letinemakhono naletikhonako kwesekela kakhula kwemnotfo lokuhlanganisako

Imfundvo idlala indzima lebalulekile ekulinganiseni ematfuba emuntfu emphilweni, ekukhutsateni kwenyuka kwemnotfo, ekuchubekiseleni embili kakhula kwemnotfo, ekuveleni imisebenti, ekucedzeni buphuya kanye nasekunciphiseni kungalingani.

Kuleminyaka lesihlanu letako, hulumende uhlose kufezekisa loku lokulandzelako:

- Bonkhe bantwana labasemkhatsini kweminyaka lesikhombisa nale-18 kumele babe sesikolweni.
- Bafundzi labange-65% kumele babe semaklasini lahambisana neminyaka yabo yebudzala.
- Lange-60% elicembu ngalinye leminyaka letsite kumele atfole Titifiki Tamatikuletjeni nobe ticu tekuceceshelwa umsebenti nobe temfundvo lechubekako nekucecesha.
- Bafundzi labange-75% bahlolwe ngeluhlelo Lweluhlolo Lwavelonkhe Lwemnyaka emaBangeni 3, 6 na 9 kumele batfole ngetulu kwalange-50% ekukwatini kufundza nekubhala kanye nasetibalweni.
- Linani lebafundzi beliBanga 12 labalungele kungena emanyuvesi litakwenyuselwa eti-250 000 (172 000 nga-2013).
- Linani lebafundzi lababhalisele kuya emanyuvesi litakwenyuka kusukela eti-950 000 nga-2013 kuya esigidzini si-1,07.
- Bafundzi labange-90% labafuna luceceso kanye nelwati lwemsebenti kute baphotfule ticu tabo batawufakwa kuleto tindzawo.
- Linani lebafundzi lababhalise emakolishi Etifundvo TebuCiko Bemisebenti Yetandla kanye Nekucecesha (i-TVET) litakwenyuka kusukela eti-670 455 nga-2013 kuya esigidzini si-1,238.
- Kubhalisa emanyuvesi etinhlelwensi letisisekelo kutakwenyuka kuye kubafundzi labati-36 000 (kusukela eti-16 300 nga-2013).
- Linani letisebenti letinemakhono letikhicitwa minyaka yonkhe litakwenyuka kuya eti-24 000 ngemnyaka nga-2019 (kusukela eti-18 110 nga-2013), kute kuhlangatjetanwe netidzingo temnotfo lokhulako.
- Kute kwesekelwe kuba khona kwelwati, linani lalabatfola ticu tebukotela litakwenyuka kuya eti-3 000 ngemnyaka nga-2019 (kusukela eti-1 870 ngemnyaka nga-2013).



- Linani lalabatfola ticu kusayensi yebunjiniyeli litakwenyuka kuya eti-57 000 (kukhicitwe labati-9 974 nga-2012).
- Linani lalabatfola ticu kutemphilo yebantfu netilwane litakwenyuka kuya eti-45 000 (kukhicitwe labati-8 015 nga-2012).
- Linani lalabatfola ticu kutesayensi yetemvelo neyefiziki litakwenyuka kuya eti-36 000 esikhatsini lesiminyaka lesihlanu kukhicitwe labati-6 366 nga-2012.
- Kute kwesekelwe imfundvo lesisekelo, emanyuvesi atawukhicia bothishela labaneticu labati-20 000 ngemnyaka nga-2019, lokukwenyuka kusukela eti-13 740 nga-2013.
- Kute kwesekelwe lizinga lekufundzisa emfundvweni lephakeme, emanyuvesi lalishumi atawukhicia ticu tekufundzisa i-TVET nga-2019.
- Bafundzisi basemakolishi e-TVET labange-30% kumele babe nelwati lwendzawo yemsebenti njalo ngemnyaka nga-2019.
- Sibonelelo Sekutufufukisa Kufundzisa Nekucwaninga sitakwenyuka kusukela kubafundzisi laba-50 nga-2012 kuya kubafundzisi laba-400 nga-2019.
- Kute kuguculwe kwakheka kwemlandvo kanye netenhlalo emsebentini wekufundzisa etikhungweni temfundvo lephakeme, linani lalabamnyama labasha labangena kulomkhakha litakwenyuka lokungenani nge-100 nga-2019 ngemnyaka.
- Linani lebafundzi beticu letingetulu kwetekucala labatfola imifundzate kanye nekuchaswa ngetimali tekucwaninga. eSikhwameni Setelucwaningo Kuvelonkhe litakwenyuka kuya eti-27 411 ngalokwelekanako esikhatsini lesiminyaka lesihlanu kubafundzi labenta tifundvo te-Masters (bebati-3 704 nga-2012), kanye nalabebati-15 209 ngalokwelekanako esikhatsini lesiminyaka lesihlanu kubafundzi labenta tifundvo tebukotela (bebati-2 265 nga-2012).

Utsi bewati nje?

Tinyatselo tahulumende tekwenta ncono lizinga lemfundvo tifaka ekhatsi kutilawula kahle kanye nekutiphendvulela etikolweni. Bothishela kulindzeleke kutsi babe seklasini ngesikhatsi bafundzise, kantsi nebafundzi kumele babe seklasini bafundze. Bothishelanhloko batusitwa kute bagcine kutilawula kanye nemazinga ekutiphatsa lasetulu.



Luhlelo IwaHulumende Lwekusebenta Iwanga-2014 – 2019

Imitamo yekusimamisa nekunonophisa ekusebenteni kwetikolwa ifaka ekhatsi lokulandzelako:

- Tindlela tekwenta ncono kuphatfwa kwetikolwa, buphatsi kanye nekutiphendvulela, kufaka ekhatsi kwesekwela kwelikhono lekukwati kuphatsa kubothishelanhloko kanye netisebenti tetigodzi, kute kucinisekiswe kutsi bothishela bafika ngesikhatsi, bayafundzisa nekutsi bacedza iharikhulamu yonke.
- Kusisa etakhiwiensi nasekulungisweni kwetikolwa, kubukana neku-salela emuva, kwakhiwa kwetakhiwo endzaweni yaleti letingakafaneli kuphindze kuhlangatjetanwe nemazinga ladzingekako ekuhanjiswa kwemangcoliso kanye netidzingo tetikolwa.
- Kwesekelwa kwekfutufukisa kwabothishela kuphindze kwentiwe ncono kucechewa kwabo, kwakhelwa etukweluhlelo IweMfundzate i-Funza Lushaka.
- Sincinisekiso sekutsi wonkhe umntfwana utfola tincwadzi letifanele kuto tonkhe tifundvo nakumabanga.
- Kucinisa lizinga lalokufundzisa eBangeni R njenganyalo kuge-

kucinisekiswa kuhlela lokwenele kute kwelulwe kufundzisa kweliBanga lelingembi kweliBanga R.

- Lokunye kwelulwa kwetinhlelo Tetemfundvo Tekutufukisa Bantfvana Labasebancane (i-ECD), lokuholwa ngumkhakha wekutfutufukisa kwetehnlakahle, lokufaka sandla ekulungeleni kucala sikolwa kwebantfvana labaneminyaka lesihlanu kuya kulesitfupha.
- Kwetfulwa kwetinhlelo tekuphepha etikolweni kute kucinisekiswe kuphila kahle kwemntfwana, lokufaka ekhatsi kungabeketeleli kwesatjiswa kanye nekuhlukunyetwa kwebafundzi.
- Kwetfulwa kwetiLwimi Tesintfu etikolweni ngetigaba letitsite kute kwesekelwe kubambisana kutenhlalo.



"INingizimu Afrika idzinga emakhono ebunjiniyeli kute yetfule luhlelo lolweluliwe lwekusa kusakhiwonchanti iphindze ibe semibili ekuchubekiseni embili timayini, tetimboni kanye nekuhlela kwetintfo. Lelive lidzinga futsi bodokotela, bahlengikati netisebenti tetemphilo leticeceshiwe emisebentini yemazinga lahlukahlukene kute letfule kunakekela kutemphilo lokuse-zingeni lelihle." – MTSF 2014 - 2019

KUCINISEKISA KUNAKEKELA KUTEMPHILO LOKUSEZINGENI KANYE NEKUPHEPHA KUTENHLALO KWATO TONKHE TAKHAMITI



Imphilo lendze nalephilwa ngalokufanele yato tonkhe takhamiti taseNingizimu Afrika

Hulumende utakwenta ncono lizinga kanye nekufinyeleleka kwetinhlelo tetemphilo ngekwefula Umshwalense Wavelonke Wetemphilo (i-NHI).

I-NHI iluhlelo Iwekusita ngetimali lolutocinisekisa kutsi tonkhe takhamiti taseNingizimu Afrika tiniketwa tinsita tetemphilo letibalulekile, kungabukwa lizinga labo ngekwmsebenti kanye nelikhono labo lekukwati kukhokhela tinhlelo.

Kwenta ncono kunakekela kutemphilo kuleminyaka lesihlanu letako, hulumende uhlela kwenta loku:

- kwenta ncono lizinga lekunakekela kutemphilo nekunciphisa sikhatsi sekulindza emkhakheni wahulumende, lokwesekelwe ekuhlonishweni kweMculu weTigulane losandza kusungulwa liHovisi Lekuhlol Kulandzelwa Kwemazinga Etemphilo.
- kwelula kanye nekuhlela kabusha kunakekela kutemphilo lokusisekelo, lokufaka ekhatsi ematsimba abomasipala labasebenta emawadini kanye netinhlelo tetemphilo etikolweni.
- kwelula kuhlolwa kwetinhlelo te-NHI lokwentiwa etigodzini letitsite.
- kukhutsata tindlela tekuphila ngalokufanele kanye nekugcugutela kuhlolelwa njalo tifo letitsatselanwako.
- kunciphisa tindleko tekunakekela kutemphilo.
- kwenta ncono imitfombolusito yetemphilo, kuvuselela kabusha emakolishi ekucecesha bahlengikati kanye nekwelula kucecesha kwetisebenti tetemphilo.
- kusisa ekwenteni kuphatsa kanye nebuholi kutemphilo, lokufaka ekhatsi kuphatsa, kusitwa ngetimali kanye nekuphatfwa kwetibhedleletinkhulu njenetikhungo tavelonke lokutfunyelwa kuto tigulane.
- kwenta ncono kuhlela kwetikhungo tetemphilo kanye nekunonophisa kwetfulwa kwesakhiwonchanti
- kucinisa kwetfulwa kwetinhlelo tekuvimbela nekusingatwa kweSandvulelangculazi (i-HIV) neNgculazi (i-AIDS) kanye Nesifo Sesifuba (i-TB).
- kwelula kufinyelela kutemphilo letiphatselene netemacansi kanye netekutalana ngekwenta ncono kuba khona kwetindlela letehlukene tekuvimbela kukhulelw.
- kunciphisa kukhulelwka lokungadzingeki ngekutsi kugciliwe ikakhulukati ekukhulelweni kwelusha
- kwetfulwa Umkhankhaso lokhutsatwe Bunye be-Afrika mayelana Nekunonophiswa Kwekuncishiswa Kwekushona Kwetinswane kanye Nalababelekako e-Afrika.

Hulumende utakwenyusa tinhlelo tekunakekela kutemphilo kuleminyaka lesihlanu letako ngekwenta loku:

- kwakha imitfolamphilo le-213 netikhungo tetemphilo temmango kanye netibhedlela leti-43.
- kuvuselela tikhungo tetemphilo letingetulu kwe-870 etigodzini lokutawuhlolwa kuto i-NHI.
- kuhindza kabilu kucecesha kwemnyaka kwabodokotela balapha ekhaya kanye nabangesheya kuyewufinyelela eti-2 000 ngemnyaka.
- kuhindza kabilu linani lebantfu labatsatsa tidzambisingculazi kusukela etigodzini leti-2,4 kuye esibalweni lesihlongotwako setigidzi leti-5,1.
- kucinisa kuhlelwa i-TB kanye netinhlelo tekuyelapha kabantu labasengotini, lokufaka ekhatsi babanjwa labasetikhungweni tekulungiswa kwetimilo labati-150 000, tisebenti tasetimayini leti-500 000 kanye nebantfu labalinganiselwa eti-600 000 emimangweni yasetimayini.

- kujowwa kwawo onkhe emantfombatane eBangeni le-4 ajovelwa i-Human Papilloma Virus, kute kuncishiswe kakhulu kuba sengotini kwawo ekufoleni umdlavuta wesibeleflo esikhatsini lesitako.

Lokunye kwalokungelela kutemphilo hulumende lahlose kufinyelela kuko nga-2019 kufaka ekhatsi:

- kwenyusa sikhatsi sekuphila kuya eminyakeni lenge-63
- kwehlisa lizinga lekushona kwebantfwana labangephansi kwemnyaka lesihlanu kusuka e-41 nga-2012 kuya e-23 kulabayi-1 000 lababelekwa baphila
- kwehlisa lizinga lekushona kwetinswane kusuka e-27 nga-2012 kuya e-18 kuletiyi-1 000 letibelekwa tiphila
- kwehlisa lizinga lekushona kwalababelekako kusukela e-269 kuya ngephansi kwe-100 kulabayi-100 000 lababelekwa bantfwana basaphila.

Kuvikeleka Kutenhlalo

Tinsita tahulumende Luhlelo Iwetinsita tahulumende loluphelele, loluphendvulako nalolusimeme

Kwenta ncono kwetfulwa kwetinhlelo tetinsita tahulumende kabantu labafanele, hulumende ubeke lemigomo Ielandzelako:

- Nga-2024, tinhlelo te-ECD letisezingeni lelihle titawutfolakala futsi tiphindze tifinyelelele kubo bonkhe bantfwana labancane kanye nalababanakekelako. Tinhlelo tonkhe letiphelele te-ECD utawunikwa bantfwana kusukela ekutalweni kuya eminyakeni lemme, kugciliwa kubaphuyile.
- Nga-2019, lokungenani lange-95% ebantfu labafanele batawutfolka kwesekelwa kutenhlalo lokunjengebonelelelo tebantfwana, tibonelelo tekukhubateka kanye nemphesheni yalabadzala.
- Emakhaya laphuyile atawunikwa kudla.

KULWA NENKHOHLAKALO KANYE NEBUGEBENGU

Kucinisekisa kutsi bonkhe bantfu baseNingizimu Afrika baphephile futisitiva baphephile, hulumende uhlose kufinyelela kuloku lokulandzelako nga-2019:

- Kunciphisa linani lebugebengu bebudlova lobubikwako.
- Kwenta kuphephe kutsi bantfu bangahamba bodywana emini nobe ebusuku.
- Kucinisekisa kutsi emakhaya anetisekile ngetinhlelo temaphoyisa etindzaweni tawo nangendlela tinkantolo letibukana ngayo nebenti bebugebengu.
- Kwtama kwenta ncono lizinga leNingizimu Afrika eLuhlwini Lwemave Emhlaba Lwekubeka Ebaleni Inkohohlakalo.

Lemigomo itawutfolakala, phakatsi kwalokunye ngekwenta loku, kunciphisa emazinga ebugebengu bebudlova; kucinisekisa luhlelo Iwetebulungiswa kutebugebengu lolusebenta kahle naloluphumelelisisako, kuvikela nekuphephisa iminyele yaseNingizimu Afrika ngalokuyimphumelelo; kubukana nebugebengu be-inthanethi; kucinisekisa kusimama kwasekhaya kanye nekulwa nenkohohlakalo.

Kwakha emandla ekulwa nebugebengu

Emandla ekuphenya bugebengu ngendlela yesayensi atakwentiwa ncono, kufaka ekhatsu bugebengu lobubhekiswe kulabasikati nakubantfwana.

Kute kuncishiswe kuphindvwa kwebugebengu nobe kwenta bugebengu futsi, hulumende utakwenyusa aphindze ente ncono tinhlelo tekubuyiselwa esimilweni kwalabente bugebengu; kwenta ncono kuhlanganiswa kwalabakhululiwe ngashwele kanye nemimango kanye nekucinisekisa kutsi kuba kuncane kwephulwa kwemigomo yekukhululwa ngashwele.



Luhlelo Iwetebulungiswa kutebugebengu lutakwentiwa kutsi lusebente kahle nangalokuphumelelisisako.

Kutfutfukisa kusebenta kwemaphoyisa

Umbutfo Wetemaphoyisa aseNingizimu Afrika utawube ulindzeleke ngekuphendvula ngekushesha etigamekweni tebugebengu letibikwako uphindze wente luphenyo ngendlela lececeshekile.

Kuvikela iminyele yetfu

Iminyele yaseNingizimu Afrika itawuvikelwa, iphephiswe ngalokuphumelelisisako kute kuncishiswe tehlakalo letingekho emtsetfweni letenteka eminyeleni.

Kulwa nebugebengu

Hulumende uhlose kwenta ncono emazinga ekubekwa kwemacala kulabenta inkohohlakalo lenkhulu. Imitsetfo lelwa nenkohohlakalo itawubuyeketwa kute kube netijeziso leticinile, kuvikela babiki benkohohlakalo kufaka ekhatsi labo labasemkhakheni wangasese kanye nekucinisa kutimela kwetikhungo tekulwa nenkohohlakalo.

Sicheme Seluphenyo Lolukhetsekile, Litsimba Lelilwa Nenkohohlakalo, Sicheme Sekudliwa Kwempahla kanye nema-Hawks batakulwa nebugebengu kanye nenkohohlakalo kuyo yonkhe imikhakha yemmango.



KUTFUTFUKISWA KWETINDZAWO TASEMAPHANDLENI, KUHLELWA KABUSHA KWEMHLABA NETEKULIMA KANYE NEKUTFOLAKALA KWEKUDLA

Imimango yasetindzaweni tasemaphandleni lekhutsele, lengavuni luhlangotsi, lesimeme ifaka sandla ekubeni khona kwekudla kuwo wonkhe umuntfu

Kucinisa kuba khona kwekudla ngalokwanele kanye netekulima letitokhona kumelana nemchudzelwano kanye nekunciphisa buphuya ikakhulukati etindzaweni lebetitabelo, hulumende ufunu kwenta loku:

- Kwenyusa emaphesenti emhlaba lokhicitako lonebuniyo balabo bebancishwe ematfuba ngaphambilini kusukela kula-11,5% nga-2013 kuya kulange-20%.
- Kucinisekisa kutsi emahekithare latigidzi leti-7,2 emhlaba asawonkhe abuyiselwa kulabebancishwe ematfuba ngaphambilini nekutsi asetjentiswa ngalokukhicitako (nakucatsanisa nemahekithare latigidzi letine nga-2013).
- Kunciphisa emaphesenti emakhaya lasengotini yekubulawa yindlala kusukela kula-11,4% nga-2013 kuya ngephansi kwalla-9,5%.
- Kunciphisa emaphesenti ebantfu labaphila ngephansi kwelizinga lebuphuya (R443 ngemanani anga-2011) kusukela kulange-32,3% kuya ngephansi kwallange-22%.
- Kunciphisa kungasebenti etindzaweni tasemaphandleni kusukela kulange-49% lokukuwo njenganyalo kuya ngephansi kwallange-40%.

Hulumende utawuphindze achubeke nekwenta loku lokulandzelako:

- Kuphatwa kancono kwemhlaba kanye nekuhlelela kutfutfukiswa kwetindzawo tasemaphandleni lokuhlanganisile.
- Kuhlela kabusha kwemhlaba lokusimeme kute uguculelwе kulima kuwo.
- Kuba khona kwekudla lokwanele.
- Kutfutfukiswa nekwesekela kwebaniyo bemapulazi lamancane (ngekucecesha, ngekwetimali nangekwesakhiwonchanti) kute aguculelwе kulima kuwo.
- Kwenyusa kufinyelela kusakhiwonchanti nasetinhlelweni letisisekelo letisezingeni, ikakhulukati temfundvo, kunakekela kutemphilo kanye netekutfutsa temmango etindzaweni tasemaphandleni.
- Kwesekela kwemabhizinisi netimboni tasetindzaweni tasemaphandleni letisimeme.
- Kusisa lokwenyukile ekuhlelenjisweni kwemkhicito lolinywako, kutfutfukiswa kwetekuhwebelana kanye nekufinyelela lokwentiwe ncono etimakethe nasetinhlelweni tetimali lokuholela ekuvulweni kwemisebenti.



KUCINISEKISA KUTFOLAKALA KWETINDZAWO LETENELE TEKUHLALISWA KWEBANTFU KANYE NAKUTINSITANCHANTI LETISEZINGENI LELIHLE



Kuhlaliswa kwebantfu lokusimeme kanye nelizinga lelihle lemphilo yemakhaya lelentiwe ncono

Kute kufezekiswe umbononchanti wekuhlaliswa kwebantfu lokusimeme kanye nelizinga lelihle lemphilo yemakhaya lelentiwe ncono, lokusembili kuhulumende kufaka ekhatsi:

- Tindlu letenele kanye nendzawo yekuhlala lesezingeni lelihle liyentiwe ncono, nalamanye emakhaya latsi awabe sigidzi lasi-1,4 lasetimeni tekuhlala letinsha nobe letentiwe ncono nga-2019.
- Kwakha tindlu letitsengiswa ngemali lelingana naletinye tindlu letitsengiswako ngemgomgo weti-110 000 wetindlu tekuhlala letinsha letefifulwe ngekweligebe lemakethe lengabiti kakhulu nga-2019.
- Umgomo wabomasipala labange-49 labanikwe umsebenti nobe labavunye kutsi baniketele getindlu.
- Ematayiteli ato tonkhe tindlu letinsha temchaso leti-563 000 kanye nematayiteli laselele emuva lati-900 000 eluhlelwani lwekuhlaliswa kwebantfu loluhlanganisile atawendluisela kubaniyo.
- Kulungiswa kwetindzawo letingakahaleleki kutakwenyuswa kute kuhlanganise emakhaya lati-750 000, kucinisekisa tinsintanchanti kanye nesakhiwonchanti kuletinye taletindzawo letingakahaleleki leti-2 200.

Kucinisekisa tindlu letingabiti kakhulu

Hulumende utawubuyeketa tindlela temchaso wetindlu kute kugcugutelwe kakhulu kuhlaliswa kwebantfu lokukahle. Uhlose tindlu letinyenti tekucashisa letichumene letifaka ekhatsi kucashisa emakamelweni langemuva. Kufinyelela kunikwa tikweleti tetindlu kutakwentiwa banti, ikakhulukati kulabatsenga tindlu kwekulacala.

Kunika imimango tindlu

Hulumende utawusebentisana nabomasipala, tisebenti kanye netikhungo tetetimali ekunikeni imimango lesedvute netimayini tindlu.

Hulumende wasekhaya lophendvulako, lotiphendvulelako losebenta kahle nangalokufanele

Kute kucinisekiswe kutsi imimango itfola tinsitanchanti letisimeme naletetsembekile kuleminyaka lesihlanu letako, hulumende ufunu kwenta loku:

- Kwenyusa emaphesenti emakhaya latfola tinhlelo temanti lahlobile kusukela kulange-85% nga-2013 kuya kulange-90%.
- Kwenyusa emaphesenti emakhaya latfola tinhlelo tekuanjiswa kwemangcoliso lokakahle kusukela kulange-84% nga-2013 kuya kulange-90%, lokufaka ekhatsi kucedvwa kwemabhakede etindzaweni letingakahleleki.
- Kuchumanisa lamanye emakhaya lasigidzi si-1,4 eluhlelwenichumano emkhatsini wa-2014 na-2019, kanye nalamanye lati-105 000 langakachunyaniswa eluhlelwenichumano.
- Kwenyusa lizinga lekwetsempela nekwetsempela kwemmango kuhulumende wasekhaya kusukela kulange-51% nga-2012 kuya kulange-65% nga-2019, njengobe kuvetwe eluhlolweni lwe-IPSOS.
- Kwenta ncono imiphumela yekuphenywa kwemabhuku kubo bonkhe bomasipala, kutsi lokungenani lange-75% abomasipala atfole umphumela weluphenyo lwemabhuku loluhlobile.

Kuphatsa lokuhle

Kute kutfutfukiswe kuphatsa lokuhle, hulumende uphindze ahlose kwenta loku:

- kutfutfukisa kubamba lichaza kwebahlali kuhulumende wasekhaya.
- kucinisa tinhlelo tekuphatsa ngekubambisana kute kwentiwe ncono kwesekelwa nekuhlonyisa kwabomasipala.
- kutsatsa indlela yesikhatsi lesidze ekutfutfukisweni kwemakhono kanye nasekuhlonyisweni ngemakhono kumkhakha wabohulumente basekhaya.
- kwenta ncono lizinga lekuphatsa kanye netindlelanchubo tekuphatsa tabomasipala, lokufaka ekhatsi kuphatfwa kwetisebenti kanye netindlelanchubo tekuheha tisebenti, kwetfulwa nekutsengwa kwemphahla kanye nekuphatfwa kwetimali kanye netinyatselo tekulwa nenkholakalo.



Vikela uphindze wente ncono imphahla yetfu yemvelo kanye nemitfombolusito yetemvelo

Hulumende uhlose kucinisekisa umnotfo losimeme ngekwetemvelo, lomelana nekugucugucuka kwesimo selitulu, longcolisa umoya kancane kanye nemmango lowenta lokufanele kuleminyaka lesihlanu letako ngekwenta loku:

- kusimamisa nekunciphisa sikhutsa kunciphisa ngalange-34% kukhishwa kwesikhutsa kusukela “ekwenteni umsebenti ngalokwetayelekile” nga-2020 (kulange-42% nga-2025).
- kwefula tindlela tekubukana nekugucugucuka kwesimo selitulu
- kwenyusa emaphesenti emachweba lanenzozo kusukela kulange-22,5% nga-2013 kuya kulange-27% nga-2019
- kwenyusa kulandzela kwetimayini uMtsetfo Wavelonke Wemanti, 1998 (uMtsetfo 36 wanga-1998), kusukela kulange-35% nga-2013 kuya kulange-60% nga-2019.



Kubukana nekugucu-gucuka kwesimo selitulu

Kutakwetfulwa intsela yekhabhoni, umcombelelo wekhabhoni kanye nekweskela ithekhinoloji lekhiphia ikhabhoni lephansi kute kubukanwe nekugucugucuka kwesimo selitulu. Konakaliswa kwemifombolusito yetemvelo kanye nekuphela kwetinto temvelo lokufana nemifula nemahlatsi kutawubukanwa nako.

Tinchubomgommo kanye netinhlelo tekuphatfwa kwemvelo nato titawucinisekisa kutsi umhlaba, emachweba, tindzawo letiselugwini



kanye netilwandle kuvikelekile. Ngetulu kwekubukana nekungcoliswa kwemoya, hulumende utawucinisekisa kuba khona kwemanti kanye netindzawo letimunya emanti letiphephile kutemphilo, imifula kanye nesitete.

Kusingatfwa kwemfucuta lokwentiwe ncono (kufaka ekhatsi imfucuta lenebungoti, imfucuta yakutemphilo, lokulahlwe timayini, imfucuta leluketjeti losaludzaka) kungumsebenti hulumende labelana ngawo nabemkhakha wetemabhzinisi kanye nabo bonkhe labatsintsekako.

KUFAKA SANDLA KU-AFRIKA LENCONO NASEMHLABENI LONCONO

Yakha iNingizimu Afrika lencono ufake sandla ku-Afrika lencono nasmehlabeni loncono

Kute kwenyuswe kusisa ngco kwemave angephandle eNingizimu Afrika kuphindze kwenyuswe kutfunyelwa kwemphahla yakulelive kulamanye emave, hulumende utakwenta loku:

- kwesekela tinhlelo tesifundza netelivekati ekusabeleni nasekusombululeni tinkinga, kukhutsata kuthula nekuvikeleka, kucinisa kuhalanganisa kwetigodzi, kwenyusa kakhulu kuhwebelana kwemave ase-Afrika kanye nekuchuba intfutuko lesimeme e-Afrika.
- kwenyusa linani letivakashi letivela emaveni langephandle kuyewufinyelela etigidzini leti-R15 tetivakashi letivela ngephandle nga-2017, kanye nekwenyusa imali lefakwa tekuvakasha emnotfweni kuyewufinyelela ngetulu kwetigidzidzi leti-R125 nga-2017.

Kutfutfukisa kuhwebelana

Luhlaka Lwesigaba Seku-1 Sesivumelwano Sekuhwebelana Ngenkhululeko Emkhatsini Wemave Lamatsafu (i-FTA) lutawuphifulwa kute kutekuba nekuhwebelana lokukhulu emkhatsini kwemave ase-Afrika, timboni kanye nekutfutfukisa kwesakhiwonchanti. Hulumende utawuphindze afafe sandla ekubuyeketweni kwendzima nekusebenta kweBunye Bekungeniswa Kwemphahla e-Afrika leseNingizimu.

iNingizimu Afrika itakwesekela iphindze yetfule tincumo te-AU kanye netinhlaka tayo, lokufaka ekhatsi Inkantolo yase-Afrika Yebantu kanye neMalungelo eLuntfu. Lelive litawuphindze lenyuse sibalo lesibekiwe sekungena etikhundleni kwebantu baseNingizimu Afrika etinhlakeni teKhomishini yeBunye be-Afrika kuyewufinyelela kulange-60%.

Hulumende utawutfukisa intfutuko lesimeme kanye nekuhlanganisa kwesifundza ngekutsi etfule Budlelwano Lobusha Bentfutfuko ye-Afrika. Utawuphindze acinisekise kutsi tikhundla teNingizimu Afrika letisembili tiyabonakala etinhlelweni letiholela ekusungulweni kwe-FTA yelivekati.

Budlelwane nemave angephandle

Kute kuchutjekiselwe embili tinhloso tenchubomgomoyetangaphandle teNingizimu Afrika, hulumende utawukhutsata kuzuza ngalokufanako emkhatsini kwemave laseNingizimu nenhabave (i-Ikhweyitha) ngekusebentisa bulunga bawo kanye nekuocisana netinhlangano kanye nemacembu laseNingizimu.

Utawuhlosa kuchumanisa emandla etemnotfo wemave kanye nemacembu laseNingizimu nenhabave ngekwenyusa linani letivumelwano tekusebentiana kutemnotfo teNingizimu Afrika kusukela e-49 kuya e-59. Utawuphindze akhutsate budlelwano lobuzuzisa ngalokufanako nemave laseNyakatfo nenhabave.



KWAKHA UMBUSO LOTFUTFUKAKO NALOKHONAKO

Umsebenti Wahulumende lohleleke kahle, lophumelelisako nalo hlose ekutfutfukiseni

Sikolwa Savelonkhe Sahulumende sitawusebentisa Iwati Iwtisebenti tembuso ematikweni kute sinike kucecesha emikhakheni yekuphafwa kwesive. Ematiko atawesekelwa kute atewuheha aphindze atfutfukise emakhono lawadzingako.

Litiko Letemisebenti Yahulumende Nekuphatsa litawuhlola luhlelo Iwekubeka liso kubaphatsi labasha, kanye neluhlelo Iwekuheha labaneticu kute kusitwe ematiko atewukwati kuheha aphindze atfutfukise labaneticu labanemakhono labanenshisekelo yekungena Emsebentini Wahulumende.

Kutawusungulwa indzima yenhloko yekuphatsa Imisebenti Yahulumende njengalenyemisebenti Yemcondzisijikelele ehhovisi LaMengameli, kanye Nebacondzisijikelele emahhovisi aboNdvnankhulu labadlala indzima lefanako ezingeni letifundza.

Tinhloko tekuphatsa Imisebenti Yahulumende kutawulindzeleka kutsi, phakatsi kwaleminye imisebenti, tinike Mengameli kanye nebaphatsi labakhulu teluleko njalo mayelana netehlakalo tekuphatsa kwetinhloko tematiko (ema-HoD).

IKhabinethi itawubeka liso kwentiwa kwemisebenti kwema-HoD kanye nalabanye baphatsi labakhulu ngesikhatsi ngenhloso yekucinisekisa kusimama lokukhulu ebuholini betekuphatsa.

Lihhovisi Lesikhulu Lesibukene Nekunikwa Kwemisebenti

Lihhovisi Lesikhulu Lesibukene Nekunikwa Kwemisebenti kuTemafa Avelonkhe litawucinisa ekubukeni kwentiwa kwemaphutsa eluhlelweni Iwekunika kwemisebenti kanye nemanani, kute kucinisekiswe konga kanye nekwenta tintfo ngalokusebaleni, kutfola lokufanele ngemali yakho, kulandzelwa kwetindlelanchubo kanye nekungavuni luhlangotsi. Kukhishelwa ngaphandle kwetinhlelo tahu lumende kutawuncishiswa.

Temafa Avelonkhe kanye neLitiko Lekuhlela, Kucaphela Nekulinganisa Kusebenta babeke luhlelo Iwekubeka liso kukhokhelwa kwebatfulli bemisebenti lokwentiwa ngematiko ahulumende lomkhulu kanye newetifundza. Ematiko lanema-imvoyisi lamanyenti lakkokhelwa ngemuva kwesikhatsi atawunkwa lusito kute kwetfulwe tinhlelo tekwenta libhizini isetentiwe ncono kutsatifa sibonelo kumatiko lasebente kahle kakhu.

Hulumende utawubeka embili leyo mikhakha lapho Lwati Lwetekuchumana (i-IT) lunelikhono lelikhulu lekwenta ncono kwetfulwa kwetinhlelo.

Njengencenyekutiphatsa kahle emsebentini wahulumende, tisebenti tahu lumende kanye nalabamele hulumende batawuvnjelwa kwenta libhizini neMbuso. Loku kutakwese kelwa ngekwetfulwa kweLuhlaka Lwekudzalula Tetimali lokwentiwe ncono, kuvikelwa lokucinile kwalababika inkohlakalo, kanye nekunikwa kwelusito Iwemisebenti



lececeshelwe kumatiko kute atewukwati kuphatsa kancono kucondzisa kwetigwegwe.

Kuphendvula Kwemisebenti Wahulumende kutakhamiti kanye nakulabatsintsekako kutakwentiwa ncono ngekuvuselela kabusha luhlelo i-Batho Pele (Bantfu Phambili) kanye nekwetfulwa kweMculu Wemisebenti Yahulumende.

KUBAMBISANA KUTENHLALO KANYE NEKWAKHA SIVE

Ummango lobambisene ekwehlukahlukaneni nasekuhlalisaneni kwawo ionenhoso lefanako ngebunjalo bebuve bawo



Kute kukhutsatwe ummango lohlalisene ngekubumbana, hulumende kuleminyaka lesihlanu letako utawucinisekisa kutsi:

- linani lebantfu labanembono wekutsi budlelwano kutebuhlanga buya ngekuba ncono lenyukela kulange-65% (kusukela kulange-40% nga-2011).
- iuhlu Iwekubambisana kutenhlalo lwenyukela kulange-90% nga-2019 (kusukela kulange-80,4% nga-2011).
- iuhlu Iwetakhampiti labakhutsese lwenyukela kulange-85% nga-2019 (kusukela kulange-79% nga-2011).
- linani lebantfu labangetulu kweminyaka le-18 labangemalunga etinhlalo letisitako emmangweni lenyukela ku-10% nga-2019 (kusukela ku-5% nga-2011).

Kwakha ummango longacwasi ngekwebuhlanga nangekwebulili

Lokubekwa embili ngumtsetfosisekelo kanye nenkhampo lenhle lokucuketwe kuMtsetfosisekelo kutawugcizelelw a kute kwakhiwe lisiko lelivikela nalelikhutsata emalungelo eluntfu, inhloniph kanye nesitfunti kuto tonkhe takhamiti. Kusetjentiswa kanye nelwati Iwetimphawu tesive kutawutfufukiswa.

Timphawu tesive:

1. Liculo Lesive – Nkosi sikele'l'i-Afrika
2. Lumphawu Iwesive
3. Umjeka welive
4. Silwane sesive – Insephe
5. Inyoni yesive – Indvwe
6. Inhlanti yesive – Inhlanti ye-Hlalejuni
7. Imbali yesive – Sicalaba Lesikhulu
8. Sihlahla sesive – Umkhoba

Tekusakata, ikakhulukati Inhlango Yekusakata Ngemoya eNingizimu Afrika (i-SABC), titawusakata tinhlelo letikwatisa ngetingcoco kanye nemibononchanti yeNingizimu Afrika lenekulingana nalebuswa ngentsandvo yelinyenti lengacwasi ngekwebulili nangekwebuhlanga.

Utsi bewati nje?

Sigaba 6 seMtsetfosisekelo waseNingizimu Afrika wanga-1996 sicinisekisa kulingana ngekwelizinga kwetilwimi letisemtsetfweni leti-11, lokusiBhunu, siNgisi, isiNdebele, siXhosa, isiZulu, Sesotho sa Leboa (Sepedi), Sesotho, Setswana, Siswati, Tshivenda kanye neXitsonga.

Kepha, lesigaba siphindze sibale letinye tilwimi letikhulunya eNingizimu Afrika letinjengaleti, ekhatsi kwaletinye, tilwimi temaKhoi, Nama nemaSan, lulwimi Iwetimphawu, si-Arabic, si-German, si-Greek, si-Gujarati, si-Hebrew, si-Hindi, si-Portuguese, si-Sanskrit, si-Tamil, si-Telegu kanye nesi-Urdu. Tilwimi tekuticambela letimbawla tesintfu tifaka ekhatsi lulwimi IwesiTsotsi kanye nesiFanagalo.

Kungalingani ekufinyeleleni kutemphilo, kutemfundvo nekucecesha lokusezingeni lelihle, emantini lahblobile kanye nakuhanjiswa kwemangcoliso lokwenele kutawuncishiswa, tindzawo letahlelwu lubandlululo tihlelwu kabusha kuhindze kuciniswe netibonelelo tetenhlalo.

Takhampiti titawumenya kubeka liso ekwetfulweni kwetinsita, kantsi batali batawugcugcutelwa kutsi babambe lichaza ngekukhutsala emitimbeni leyengamele tikolwa.

Umtsetfo Wekulinganisa Ematfuba Ekucasha, 1998 (UMtsetfo 55 wanga-1998) utawetfulwa ngalokuphumelelisako, kantsi kuhlelwu kabusha nekubuyiselwa kwemhlaba kanye naletinye tinhlelo tekuhlomisa titakwentiwa.

Kutati ngekwemasiko nangekwelulwimi

Kutawukhicitwa tindzaba kute kuchutjwe kuholisa, kubambisana kutenhlalo, kwakha sive, kucocisana kanye nekwetsembana. Kusetjentiswa kwetilwimi tesintfu kutakwenyuswa.

Kwabelana ngendzawo yinye kuto tonkhe tinhlanga, indzawo kanye nemazinga etenhlalo kutakwentiwa ngekwenta loku:

- kuvusa tinkhulumiswano temmango letisimeme
- kwenta ncono tindzawo kanye netinhlelo temmango
- kutufufukisa temidlalo ezingeni lemmango kanye neletikolwa.



Emahhovisi e-DoC etifundza

Sifundza	Inombolo yelucingo
Mpumalanga Kapa	043 722 2602
Freyistata	051 448 4504/5
Gauteng	011 834 3560
Limpopo	015 291 4689
Mpumalanga	013 753 2397
Nyakatfo Kapa	053 832 1378
Nyakatfo Nshonalanga	018 381 7069/71
Nshonalanga Kapa	021 697 0145
KwaZulu-Natal	031 301 6787/8

I-imayili: *information@doc.gov.za*

Emawebhusayithi: • www.poa.gov.za
• www.gov.za
• www.doc.gov.za

Sisonkhe sichubekisela iNingizimu Afrika embili